


www.BibleForChildren.org

उत्प 3



आदामे तियाआ लाडीइ नाव हव्वा मिक्यो;
काहाके जेते माअहें जिवते होय तियां आखाआ
वेगीइ आयही तेज ओवी.




यहोवा देवे जेते रानळ्ये जनवारे बोणायेते,
तियां आखामेहें हाप जास्ती कोदऱ्यु ओतू; तिये
बायीही कोयो, “‘तुमू या बोगिसाआ कोड्लाज
साडोअ फोलवो मा खाहा,’ एहें खोरीज देवे
कोयोहो के?”




बायी हापोहो कोयो,
“या बोगिसाआ साङोअ
फोलवो आमू खात सेकतेहे;
पोन जों साङ बोगिसाआ
विसमेहें होय तियाआ फोलवाआ बाप्तिमेहें देवे कोयोहो, के
तुमू याहा मा खाहा आन याहा आथ बी मा लागाङहा, नेत मोईत
जाहा.” ताहां हापे बायीही कोयो, “तुमू हुदाअलीज ने
मोअहा! पोन देव सोताहा जाअहें के
जेदिहीं तुमू याआ फोलवो खाहा
तेदिहींज तुमाआं डोआ उगड़ीत
जाय, आन तुमुहूं हाजा बाक्ताआ
ओकल जोड़ीत जाय, आन तुमू देवोअ

हारके ओत जाहा.”



आन जाहां बाय देख्यो के तिया साड़ोअ फोल
खाअलाआ काजे हाजो, आन देख्यामेहें मोनोहो
गोमतो, आन ओकल आपनारो एहेलोहो बी होय;
ताहां तिया तिया फोलोहो तोड़ीत कोइत खादो,
आन तियाइ माट्योहो बी आप्यो, आन तिये बी
खादो. ताहराआ तियां बेनुउं डोआ उगड़ीत गोया,
आन तियांहां मुंदू पोड़्यु
के तें नागरेज होय;
तियाहा काजे तियां
अंजीरोअ पाने
जोड़ीत जोड़ीत
खोस्टी
बोणावीत
लेदी.






ताहां यहोवा देवे
आदामोहों हाद कोइत फुश्यो, “तू का होय?”
तिये कोयो, “आंय ताआ आवाज उनाअयू माहूं बिक लागी, काहाके
आंय नागरु ओतू, तियाहा काजे निकाइत गोयु.” देवे कोयो, “कोडे
ताहूं कोयो के तू नागरु होय? जिया साड़ोअ फोल आंय ताहूं मा
खाही कोयोतो, केहें तियाआ फोल तुमे खादो के?”



आदामे कोयो, “जे बोईं तुमे माअरी रोयतेहें आप्यीही तेज बोईं
तिया साड़ोअ फोल माहूं आप्यो, आन तों आंय खादो.”
ताहां यहोवा देवे तियी बोईंहीं कोयो, “ओं तुमे की
कोअयोहो?” तियी बोईं कोयो, “हापे माहूं ठोगी
देदी कोत आंय तों खात लेदो.”






तियाहा काजे जिया कादवूम रोट तियाहा
बोणायोहो, तिहींजमेहें मेहेंनत कोए तेहें काजे
यहोवा देवे तियाहा एदेन बोगिसाम रोट
बारथे काडी देदो.





तिहींइं फासाड़ी देवे जिवनोअ साड़ोअ वोल
जानारी वाट राखीत बोहे तेहें काजे एदेनेए
बोगिसाआ उक्तामाअहें करुब नावोअ
देवदूतोहों राखवाली कोए तेहें मिक्का.
शारु वोल गोरगोर फिरनारी आगीइ
तारवाआ मेकयी.




जाहां आदाम तियाआ लाडी हव्वाअरी हुतू, ताहां ते पोटाअरी ओत
कोइत काइनोहो जल्म आप्यो आन कोयो, “यहोवा देवोअ मदते वाअहीं
माहूं एक सोऊ जोड़्युहू.” फाशीइ तियी तियाआ पाही हाबेलोहो बी
जल्म आप्यो. हाबेल मेडान बोकड़ाआ सारवाली
बोण्यु, पोन काइन धरतीपोअ खेते
कोअनारु बोण्यु.




थोड़ाक दिहोअ फासाड़ी काइन यहोवाआ जागे खेतोमेन्चीइ कामायीम
रोत थोड़ीक देवोहो भेट आपीइलोअ काजे लेत आयू. आन हाबेल बी
तियाआ मेडाआ एक पेल्ली वेतेए बासो गाराहा आपीइलोअ काजे लेत
आयू, आन तियाआ सरबी गाराहा कोअयी; ताहां
यहोवा हाबेल आन तियाआ भेट ते स्विकार ओवी,
पोन काइन आन तियाआ भेट तिये स्विकार ने
कोअयी. ताहां काइनोहों जुदी खोत लागी,
आन तो जास्ती
नाराज ओवू.



ताहरुउ काइन तियाआ पाही हाबेलोहो किवानीइ तेबी कोयो; आन
जाहां ते खेतोमेहें ओता, ताहां काइने तियाआ पाही हाबेलोहो देत
कोइत तियाहा माइत टाक्यू; . . .



... ताहां यहोवा देवे काइनोहो फुश्यो, “ताआ पाही हाबेल का होय?”
तिये कोयो, “ने मुंदू; केहें आंय माआ पायहोअ राखवालयू होय के?”
ताहरुउ काइन यहोवाअ हुंबर रोट निहीत गोयु, आन नोद नावोअ
देसोम जो एदेनोअ उक्तामाअहें होय, रोनु वोल्यू.




आदाम तियाआ लाडीइरी फाशुउ गोयु, आन तियी एका पोन्याहा जल्म
आप्यो आन तियाआ नाव ओं कोत कोइत सेत मिक्यो के, “देवे माआ
काजे हाबेलोअ बोदले जियाहा काइने माइत टाक्यु,
एक फाशुउ बिहीरु पोन्यू आप्युहू.”



सेतोअ जल्माआ फासाड़ी आदाम आँठ होव वोरह्ये जिवतु रोयू, आन
तियाआ फाशे बी पोन्थान पोन्थी उबज्ये. एहेंकोइत आदाम पुरु नोव
होव तीस वोरह्योअ ओवू; तिहींइं फासाड़ी तो मोइत गोयु.



यहोवा देवे पाल्यो के माअहुंउं पाप धरती पोअ वादीत
गोयुह, आन तियांआं मोनोअ जे बी विसार रोताहा,
ते कायम खाराबुज रोताहा.



ताहां यहोवा देवे कोयो, “आंय बोणावल्या या मोनवीही
धरतीपोअ रोट आरवीत टाकीहीं; माअहें, जनवारे,
होरतींडनारे जिवतोर, आन जुगोमेएं सिडे,
यां आखाहा आरवीत टाकीहीं, काहाके आंय
यांहां बोणावीत फासताअहो.”



पोन यहोवाअ मेरवानीइं नजर नोहापोअ टिकीत रोयी. आन
नोहापरोत शेम, आन हाम, आन येपेत नावोअ
तिन पोऱ्या उबज्या.



काहाके देवे दुन्यापोअ एतीही मेर कोअयी के,
तिये तियाआ एखलू बेटुहू आपी देदू, एताआ
काजे के जो कोडो तियापोअ विश्वास मिके, तो
ने आरवाअहूं जोवे, पोन तियाहा
हादाजल्म्योंअ जिवन
जोड़ुहू जोवे.



रोम 3:23 काहाके आखाज पाप कोअयुह, आन देवोअ महिमा रोत सेटे ओत गोयेहे.

रोम 6:23 काहाके पापोअ मोजरी ते मोत होय, पो न देवोअ वरदान आपाआ प्रभु ख्रिस्त ईसुमेहें हादाफल्योअ जिवन होय.

इब्री 9:27 आन जेहलोहो मोनवीइ एकुज वारी मोइलो तिहींरोत न्यायनिवाडु ठरवीत मिक्युह.

इफिस 2:8,9 काहाके देवोअ मेरवानी वाअहींज विश्वासोअ वाखरी तुमू वासाअयेहे; आन ओं तुमा वाअहीं नाहां ओवो, पो न देवोअ भेट होय, आन ओं नाहां आपाआ कामों वाअहीं, एहलोहो ने ओवुहं जोवे के एखु वोडाय कोए.

रोम 10:9,10 काहाके जर तू ताआ सोबी वाअहीं ईसु प्रभु होय कोत कबुल कोअही आन देवे तियाहा मोल्या मेहें रोत जिवाइयुह एहेलुह विश्वास कोअही, ताहां तू हुदाअलीज वासात जाही.



जों मोनोवाअहीं विश्वास कोअहे तों धर्मी ठरेहे, आन जों सोबी वाअहीं कबुल कोअहे तियाहा तारण जोड़ेहे.

योहान 3:16,17 काहाके देवे दुन्यापोअ एतीही मेर कोअयी के, तिये तियाआ एखलू बेटुहू आपी देदू, एताआ काजे के जो कोडो तियापोअ विश्वास मिके, तो ने आरवाअहूं जोवे, पोन तियाहा हादाजल्म्योंअ जिवन जोड़ुहू जोवे. देवे तियाआ बेटाहहाहा दुन्यामेहें याअ काजे नाहां मोकल्यू, के दुन्याआ न्याय निवाड़ू कोए, पोन तियाहा याअकाजे मोकल्यू के दुन्याआ तारण ओवुहूं जोवे.

1 योहान 5:11-13 आन ते साक्शी ए होय के, देवे आपुहूं अमर जिवन आप्योहो आन ओं जिवन तियाआ बेटाहहाम होय. जियाहा देवोअ बेटुहू जोड़्युहू तियाहा जिवन जोड़्योहो; आन जियाहा देवोअ बेटुहू ने जोड़्यु तियाहा जिवन ने जोड़्यो. देवोअ बेटाहहाअ नावोपोअ विश्वास मिकनारा तुमापोअ अमर जिवन होय, ओं तुमुहूं समजाअहूं जोवे कोत आंय तुमुहूं ओं लेखोहो.



उत्प 3 – 6

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: M. Maillot; Tammy S.

Noiri-Bhil Bible (noi) ©The Word For The World
International and Noiri-Bhil Translation Samiti, Dhadgaon,
Maharashtra, India, 2025.

<https://live.bible.is/bible/NOIWWF/MAT/1>

©2026 Bible for Children, Inc.

www.M1914.org www.bibleforchildren.org

